

佛學大辭典



【極微假實】（雜語）

勝論師言極微

爲圓常、更無生滅、雖空劫之時、亦離散而意游於空中。小乘之經部成實謂現在爲實有、而過未爲無。小乘之有部宗謂極微爲三世實有、常恒不變、只依衆生業力之有無而有作用之生滅、衆生業緣未熟、微體未起作用之位、爲未來之極微、正起作用、集成根境、從而爲現在之極微、作用已、再爲體、爲過去之極微。極微體法雖爲恒有、而其作用、則生滅無常。故勝論異於常經。然則未和合之第一位極微之微、爲實法。所和合之第二、位色聚之微、亦爲實體也。又七微聚集之阿菴色亦爲實法。但就於事實現見之上而論、第三七微於和聚之位、始得實成現見一物體、故可謂爲實之極微。第一第二之微、於事實上非如此分離、但爲以智慧分析之之比重分齊、故謂之爲假之極微。（觀上所引之正理論可知）然而大乘謂一切之物質、隨其量之

大小念念刻刻、自阿賴耶識之種子變現、無

地位、各有異說。僧宗以之爲七地、淨影以爲

自微積至大之法。然則極微者、止爲破我見

初地、灌頂以爲初地證化他之果者。涅槃經

成析空觀時、以假想分析物質、實體之極微

疏十七曰、「舊云是性地。二云八地已上。三

決爲無有也。唯識論二曰、「識變時隨量大

云是初地。今明不然。先明聖行、即是自行、已

小頓現一相、非別變作衆多極微合成一物

云初地。此明梵行、即是化他、先自行已入初

【極愛一子地】（術語）略云一子地

地。化他何但是性地。何至超八地已上。斯皆

謂菩薩證化他之果、極憐愍衆生之位也。涅槃經十六梵行品所謂「菩薩摩訶薩、修慈

若過若不及。正是初地證化他之果。」即其

悲喜已、得住極愛一子地。善男子、云何是地

【極樂】（界名）Sukhāvati 佛土名。阿

名曰極愛、復名一子。善男子、譬如父母見子

彌陀佛之國土。又作安養、安樂、無量清淨土、

安隱、心大歡喜、菩薩摩訶薩、住是地中亦復

無量光明土、無量壽佛土、蓮華藏世界、密嚴

如是。視諸衆生同一子、見修善、生大歡喜。是

國、清泰國等、梵名須摩提。譯曰妙樂。諸事具

故此地名曰極愛。善男子、譬如父母見子遇

足圓滿、惟有樂而無有苦也。阿彌陀經曰、「

患、心生苦惱、慙之愁毒、初不捨離。菩薩摩訶

從是西方過十萬億佛土、有世界名曰極樂。

薩住是地中亦復如是。見諸衆生爲煩惱病

其土有佛、號阿彌陀。今現在說法。（中略）其

舟三昧經行品曰、「去此間千億佛刹。其國名須摩提。」平等覺經一曰、「無量清淨佛。」

作佛已來凡十小劫。所居國名須摩提。正在西方。去是閻浮利地界千億萬須彌山佛國。

「稱讚淨土經曰、「於是西方去此世界過百千俱胝那由多佛土。有佛世界名曰極樂。」

其中世尊名無量壽及無量光。」悲華經三曰、「大王。汝見西方。過百千萬億佛土。有世

界名尊善無垢。彼界有佛名尊音王。」(中略)如是諸佛悉滅度已。復過一阿僧祇劫等阿

僧祇劫。入第二恒河沙等阿僧祇劫。是時世界轉名安樂。汝於是時當得作佛。號無量壽。

「鼓音聲經曰、「西方安樂世界。今現有佛號阿彌陀。」(中略)其國號曰清泰。聖王所住。

「觀音授記經曰、「西方過此億百千刹。有世界名安樂。其國有佛號阿彌陀。」秘藏記

上曰、「華藏世界者。最上妙樂在其中。故曰極樂。當知極樂與華藏。雖名異而非異所。」

天台彌陀經義記曰、「彼有三名。極樂對苦。安養從用。無量壽逐人爲國。」

【淨土十疑】

(名數)

天台智者大師

就淨土往生出十疑。通釋之以勸誘往生。

一釋求生淨土無大慈悲心疑。二釋求生乖

無生理疑。三釋偏求生一生疑。四釋偏念一

佛疑。五釋具縛得生疑。六釋即得不退疑。七

釋不求內院疑。八釋十念得生疑。九釋女人

根缺不生疑。十釋作何行業得生疑。」見淨

土十疑論。

【淨土三十益】

(名數)

廬山蓮宗寶

鑑九謂天台智者淨土羣疑論云列淨土之

三十益。一往生佛土益。二得大法樂益。三親

近諸佛益。四遊歷十方供佛益。五親聞佛說

益。六福慧資糧疾得圓滿益。七速證菩提益。

八諸天人等同集一會益。九無退轉益。十無

量行願增進益。十一鸚鵡舍利宣揚法音益。

十二風樹樂響益。十三摩尼水漩演苦空益。

十四諸樂奏妙音益。十五四十八願益。十六

真金色身益。十七形無醜陋益。十八具足六

通益。十九常住定聚益。二十無諸不善益。二

十一壽命長遠益。二十二衣食自然益。二十

三唯受衆樂益。二十四三十二相益。二十五

實無女人益。二十六無有小乘益。二十七離

於八難益。二十八得三法忍益。二十九身常

有光益。三十得那羅延身力益。

【極樂世界】

(術語)

界爲界別之義

明其爲極樂之淨土。非在穢土之限界者也。

【極樂海會】

(術語)

極樂之聖衆相

依而爲法會。其廣大如海。故云。

【極樂曼陀羅】

(圖像)

圖記極樂莊

嚴之曼陀羅也。亦云淨土曼陀羅。

【極熱地獄】

(界名)

八大地獄之第

七。俱舍論八曰、「大極地獄。」同頌疏曰、「極

熱地獄。」

【極靜】

(雜語)

至極之靜慮。謂禪定

也。圓覺經曰、「諸菩薩唯取極靜。由靜力故。永斷煩惱。」

【極臆】（雜名）臆次之最高者。僧之歲曰臆。自受戒之年起算。

【極難勝地】（術語）菩薩十地之第五。又曰難勝地。難爲困難之義。勝謂勝於前地也。唯識論九曰、「極難勝地。具俗兩智行相互達合令相應。極難勝故。」本業經釋義品曰、「佛子順忍修道。三界無明疑見一切無皆不空。八辯功德入五明論。無不通達。故名難勝地。」

【極證】（雜語）至極之悟。

【極覺】（術語）妙覺也。文句八曰、「仍前位次寄談極覺耳。」

【楞伽】（地名）Tāṇḍī 新作餞伽。又作駿伽。在師子國（即錫蘭島）之山名。（今之Adam's Peak）楞伽爲實名。又曰不可到。難入之義也。即山以有楞伽實得名。又以險

絕常人難入得名。佛嘗在此說大乘經。名楞伽經。西域記十一師子國曰、「國東南隅有餞（勒登反）伽山。巖谷幽峻。神鬼遊舍。在昔如來於此說餞伽經。舊曰楞伽經。訛也。」唯識述記四本曰、「楞伽者是師子國山名也。」慧琳音義三十一曰、「楞伽。正梵音云餞伽。山名也。勒鄧反。此亦實名也。此山多饒此寶。故以爲名。在南海中師子國西南隅。海島大山也。」華嚴疏鈔六十二曰、「楞伽。此云難往。」楞伽經心玄義曰、「楞伽。此云難入。」世尊說法無史實。

【楞伽山】（地名）見楞伽條。

【楞伽經】（經名）有四譯。今存三本。

一宋求那跋陀羅譯。名楞伽阿跋多羅寶經。有四卷。名四卷楞伽。二元魏菩提流支譯。名入楞伽經。有十卷。名十卷楞伽。三唐實叉難陀譯。名大乘入楞伽經。有七卷。名七卷楞伽。本經各家之著述如下。入楞伽經心玄義一

卷。唐法藏撰。楞伽經註卷二卷五。唐智儼註。殘缺。楞伽經通義六卷。宋善月述。楞伽經集註四卷。宋正受集注。大乘入楞伽經註十卷。宋寶臣述。楞伽經纂四卷。宋楊彥國纂。觀楞伽經記八卷。明德清筆記。楞伽補遺一卷。明德清撰。楞伽經玄義一卷。明智旭撰述。楞伽經義疏九卷。明智旭撰。楞伽經合轍八卷。明通潤述。楞伽阿跋多羅寶經註解八卷。明宗泐如玘同註。楞伽經參訂疏八卷。明廣莫參訂。楞伽經宗通八卷。明曾鳳儀宗通。楞伽經心印一卷。淨挺著。楞伽經心印八卷。前有科文函呈疏。楞伽經精解評林一卷。明焦竑纂。楞伽經疏卷中。殘缺。

【楞伽經義疏】（書名）四卷。明釋智旭撰述。其後序曰、「猶憶初發心時。便從事於禪宗。數年之後。涉律涉教。著述頗多。獨此楞伽。擬於閱藏畢後方註。壬辰結夏。晨溪無處借藏。乃以六月初三日舉筆。至八月十一

日閣筆於長水南郊之冷香堂，謹閱七旬。而佛事魔事，病障外障，殆無虛日。三易地而稿始脫。

【楞伽經註解】（書名）四卷。明釋宗

泐如玘於洪武十年冬十月奉詔箋釋。十一年七月進呈。太祖皇帝覽之，歎為精確。命流布海內，使學者講習。宗泐即奉詔刻於京師天界禪林。後如玘又刻於杭之演福寺。末有宋濂題辭，載其事頗詳。

【楞伽經宗通】（書名）三十卷。明曾

鳳儀撰。其自序曰：「余於愁山稱莫逆，自癸巳造訪牢山後，音問寥寥，得筆記（愁山之楞伽筆記）讀之，不啻面譚。始讀灑然，再讀之則疑。三讀之則有所更定，不覺盈紙。復取三譯覈之，宋譯雋永有味，故不可易。至棘句倒語，非證魏唐二譯則不可曉。筆記節分條列，燦如指掌，令學者易於參訂。余亟取之，更為斟酌舊注，融會三譯，間出胸臆，或前人所未道。要於申暢簡奧，不使有楞伽難讀之歎。」案此書附有唐譯楞伽經文二品，提婆菩薩二論。

未道。要於申暢簡奧，不使有楞伽難讀之歎。案此書附有唐譯楞伽經文二品，提婆菩薩二論。

【楞伽島】（地名）錫蘭島本名楞伽，

佛說楞伽經處也。山中拔海三千尺，有勝區曰坎第，有湖作牛形，周遭可十里，故宮在焉。宮外一寺，有臥佛供養此中。島中最高峯突出如方域，上有佛跡，長可二尺，土人往往於雞鳴時攀躋瞻禮，謂可消災難。殆即佛說經處矣。

【楞伽懸記】（術語）釋尊在楞伽山，

懸記如來滅後，南天竺有大德比丘名龍樹，宣說大乘無上之法，初證歡喜地，應往生安樂國。出於楞伽經九（七卷經第六）

【楞伽經唯識論】（書名）一卷。元魏

菩提留支譯。唯識二十論三譯之最古者。

【楞伽阿跋多羅寶經】（經名）Lat-

kaśata-sūtra 四卷。劉宋求那跋陀羅譯。

為本經三譯中之最古者。楞伽者，山名。阿跋多羅者，入之義。佛入此山說法，故名。入新譯云：入楞伽經者是也。寶字乃譯人添加，因楞伽寶表經義之無上寶也。或言阿者，無也。跋多羅者，上也。阿跋多羅寶即無上寶也。華嚴疏鈔六十二曰：「經題云楞伽阿跋多羅寶經。阿之言無。跋多羅云上。寶即此方之言。」

楞伽心玄義曰：「阿伐哆陀羅。此云下入。以梵語中下入上入悉有別名。唯從上下入。別有此名。如入菩薩等。解四卷者翻為無上。此甚訛也。勸諸梵本及十卷中，都無寶字。十卷中翻為入者當名也。」

【楞嚴咒】（真言）又曰佛頂咒。楞嚴經所說之神咒也。有四百二十七句，此中最末之八句為心咒。楞嚴經長水疏曰：「此咒四百二十七句。前諸句數但是歸命諸佛菩薩眾賢聖等。及鼓呪願加被離諸惡鬼病等難。至四百十九云哆姪他。此云即說咒曰。從

四百二十唵字去方是正咒。如前云六時行道誦咒。每一時誦一百八遍。即正誦此心咒耳。如或通誦。更爲盡善。」

【楞嚴頭】（職位） 禪家舉唱楞嚴咒者之職名。請音聲好之人充之。敕修清規楞嚴會曰：「維那先期擇有音聲者爲楞嚴頭。」

又曰：「維那白佛宣疏畢。楞嚴頭唱楞嚴。衆和畢。仍作梵音。唱念經首序引畢。方舉咒。咒畢唱摩訶衆和畢。維那廻向。」

【楞嚴會】（行事） 禪林之古法。於安居結制中爲除魔障。設楞嚴壇。每日衆僧集誦楞嚴咒。稱楞嚴會。四月十日啓建。七月十三日滿散。勅修清規楞嚴會曰：「楞嚴會乃祈保安居。」又曰：「四月十三日啓建。至七月十三日滿散。」

【楞嚴經】（經名） 一名大佛頂如來密因修證了義諸菩薩萬行首楞嚴經。唐般刺密帝譯。十卷。闡明心性本體。文義皆妙。屬大乘秘密部。無法不備。無機不攝。學佛之要門也。等不等觀雜錄一曰：「楞嚴楞伽之楞字。說文作棱。他書從之。惟佛經內專用楞字。疑係譯經時所定。當從之。不必更改也。」參照首楞嚴經條。

【楞嚴三昧】（術語） *Bhāvanā-samādhi* 首楞嚴三昧之略名。

【楞嚴大師】（人名） 宋長水子璿。依楞嚴經開悟。講此經三十遍。製義疏十卷。大中祥符六年翰林學士錢公奏賜楞嚴大師之號。見楞嚴經眼髓一。

【楞嚴文句】（書名） 明智旭撰。首楞嚴經文句也。

【楞嚴經會解】（書名） 二十卷。元釋惟則會解。其自序曰：「余見長水璿師。孤山圓師。渤潭月師。溫陵環師之說。又閱吳興岳師之集。併得興福。慈資。中沈。真際。節。樵。李。敏。諸師之意。無不大同。惟所見或各從一長。乃

不能不小異。（中略）今余會諸家要解以通大途。異不公平。衆者節之。異而互通者互存之。互爲激揚者。審其的據而節取之。間有隱略乖隔處。則又附己意。自爲補註。若合殊流同歸於海。故謂之會解。」

【楞嚴圓通疏前芽】（書名） 二卷。明釋傳燈述。其自敘緣起曰：「惟念近日楞嚴正脉。大非天如禪師會解。因而波及天台耳食之流。易爲眩惑。苟不破除。妨道孔多。遂復出斯二卷之文。命曰前芽。」

【楞嚴經纂註】（書名） 十卷。明釋真界纂註。翟汝稷序曰：「註之得於長水溫陵者十之七。得於渤潭孤山諸家者十之二。得於上人之獨見者十之一。諸師名號不復錄。以融而爲一。則經旨脉絡相屬。讀者爲便。」

【楞嚴經合轍】（書名） 十卷。明釋通潤述。其自序曰：「余獨坐靜處。案上唯置楞嚴。即胸中眼角口吻邊亦唯置楞嚴。且讀且

思遇不恆心處。即書而粘之壁。時時參究。務求必達。故亦時時會心。積數年而楞嚴一貫之旨。字字皆契佛心。毫無齟齬。(中略)余故復將平日私記而與諸佛性相若合。一轍者。哀成一帙。以付剞劂。云云。

【楞嚴經正脈】(書名) 四十卷。明釋真鑑述。其卷首自序曰。『經本分明。而註多鹵莽。正脈既失。本旨多乖。後賢指摘成帙。甚至但說本文。學者莫決從違。而臨文浩歎者多矣。鑑長夜迷徒。釋宗晚學。賴聖賢加被。發薄少善根。偶窺華屋之門。輒憫宮牆之望。僭伸管見。請正大方。實非橫陳臆說。而蔑先賢意。惟曲順佛言而資後學。』云云。楊仁山居士曰。『正脈爲註本之最善者。披剝陳言。獨申正見。發揮經義。超越古今。』

【楞嚴經直指】(書名) 十卷。明釋兩

是疏。其嗣法門人今釋序之曰。『吾師天然是和上。宴坐丹霞。以三月成直指。(中畧)言

言本色。不借華詞。其不可思議之妙。實有與諸家迴絕者。』

【楞嚴經通議】(書名) 十卷。明釋德

清述。其自序曰。『歷覽諸說。有所未恆者。獨理觀未見會通。故言句雖明。而大旨未暢。』

(中畧)至萬歷甲寅。以投老南嶽。寓靈湖之

萬聖蘭若。結夏時。粵門人超逸待予最久。甘

苦疾病患難。靡不同之。予感其精誠。因入室

請益懸鏡。觸發先心。遂直筆成帙。較懸鏡雖

多。無非廣發一心三觀之旨。而文不暇詳釋。

題曰通議。蓋取春秋經世。先王之法議而不

辯之意。所謂議其條貫。而通其大綱。是於向

上一路。實以爲贅。其於初機之士。可以飲海

一滴而吞百川之味也。』案此書十卷外首

附懸鏡一卷。未附補遺一卷。

【楞嚴經疏解蒙鈔】(書名) 六十卷。

畧稱曰佛頂蒙鈔。海印弟子蒙叟述。蒙叟。錢

謙益別號也。自第四十八卷以下總曰佛頂

五錄。所謂五錄者。佛頂圖錄一卷。佛頂序錄

一卷。佛頂枝錄二卷。佛頂通錄二卷。佛頂宗

錄六卷也。謙益於明末福王時。曾爲禮部尚

書。入清授禮部右侍郎。所著詩文集。多誹謗

清室之語。清高宗閱之大怒。命焚毀其版。不

許印行。此書本收入清藏。高宗惡其爲人在

藏中黜去。然其文集等。固潛行於世間。莫能

禁也。此書雖流通者希。然詳細博雅。固讀首

楞嚴經者不可少之書也。

【楞嚴經指掌疏】(書名) 十卷。清釋

通理述。等不等觀雜錄四曰。楞嚴經以阿難

示墮發起大教。專爲正路修行人欲漏未除

者作榜樣也。若爲邪僻之徒。尋常教誡。不一

而足。指掌疏以詐現威儀等語。貶斥阿難。大

失經意。蓋誤墮之由。非阿難起意貪欲。乃摩

登以呪攝入。若非阿難正直。則摩登以色鉤

引已足。何待呪攝。阿難內心清淨。未動姪念。

但力不自由。難以擺脫耳。

【楞嚴懺悔行法】（書名）一卷、釋諦

閑撰。

【楞嚴序指味疏】（書名）釋諦閑述

疏。天如禪師唯則撰楞嚴經序、而諦閑疏之也。

【楞嚴經攝論】（書名）二卷、釋太虛

著。是書會萃各家之精要而成。凡二卷四分。一、判釋本經文義分。二、會較餘部交義分。三、別明當部要意分。四、散釋艱文澀義分。

【楊文會】（人名）字仁山、清安徽石

埭縣人。生於道光丁酉十一月十六日。卒於宣統辛亥八月十七日。年七十五。生平好讀奇書。凡音韻歷算天文輿地、以及黃老莊列、靡不領會。二十七歲時、曾於皖省書肆中得大乘起信論一卷。病後檢閱他書、舉不愜意。讀起信論、乃不覺卷之不能釋也。由是遍求佛經。一心學佛。悉廢其向所爲學。以爲末法世界、全賴流通經典、普濟衆生。北方龍藏、既

成具文。雙徑書文、又燬於兵燹。於是發心刻書本藏經、俾廣流傳。乙丑年乃就金陵差次、擘畫刻經事。校勘刻印而外、或誦經念佛、或靜坐作觀、往往至漏盡而寢。是歲參考造像量度經、及淨土諸經、延畫家繪成極樂世界依正莊嚴圖、十一面大悲觀音像、並搜得古時名人所繪佛菩薩像、刊佈流通。戊寅曾惠敏奉使歐洲、隨赴英法、考求法國政教生業甚詳。丙辰春、應劉芝田星使召、隨往英倫、考察英國政治製造諸學。深明列強立國之原。時已五十有三矣。厥後見仕途之蕪雜、誓不復與政界相往還。乃於東瀛購得小字藏經全部、閉戶誦讀。庚寅夏、走京師、禮旃檀佛像、並求藏外古德逸書。又寓書日本南條文雄、廣求中國失傳古本。南條學梵文於英國、與居士素稔。厥後由海外得來藏外書籍、二百種。因擇善付梓。甲午與英人李提摩太君譯成英文大乘起信論、以爲他日佛教西行

之漸。丁未秋、就刻經處開佛教學堂曰祇桓精舍。冀學者漸通中西文、以爲將來往天竺振興佛教。國文英文同志任之。佛學居士自任之。就學縉素二十餘人、日有進益。未兩稔、因經費不給而止。居士弘法四十餘年、流通經典至百餘萬卷、印刷佛像至十餘萬張。著有大宗地玄文本論略註二卷、佛教初學課本、陰符道德莊列發隱諸書。又等不等觀雜錄、則居士歿後所刻之遺著也。徐君文蔚云、先生既由蓮池慈山上窮賢首清涼、而溯其源於馬鳴龍樹、於以入毘盧之性海、契彌陀之願門。故居恒自言教宗賢首、行在彌陀。又嘗與李澹綠居士書曰、念佛法門、普攝三根。中人以上、宜以三經一論爲津梁。更以大乘起信論爲入道之門。通達此論、則楞嚴楞伽華嚴法華等經自易明了。嘗立量云、念佛往生是有法。自力他力爲宗。因云因果相感。故喻如車兩輪。嘗約桂伯華居士專心研究因

明唯識二部期於徹底通達。爲學佛者之楷模。不至顛預。隨伺走入外道而不自覺。實振興佛法之要門。且於淨土道理深爲有益。蓋莊嚴淨土。總不離唯識變現也。(云云)其詳見楊仁山居士事略。茲撮其大要耳。

【楊岐】(人名) 宋袁州楊岐山方會。

與黃龍山慧南皆爲臨濟六世慈明圓禪師之法嗣。各立一派。稱爲楊岐黃龍。師於宋仁宗慶曆六年寂。見續傳燈錄七。

【楊枝】(物名) 梵曰憚哆家瑟訖。曰

antakāśīha 譯曰齒木。喻小枝之頭爲細條。

用刷牙齒者。楊枝者義譯也。寄歸傳一曰。每日旦朝須嚼齒木揩齒。刮舌務令如法。盥漱清淨。方行敬禮。(中畧)其齒木者。梵云憚哆家瑟訖。憚哆譯之爲齒。家瑟訖卽是其木。長十二指。短不減八指。大如小指。一頭緩須熟嚼。良久淨刷牙關。(中畧)齒木名爲楊枝。西國柳樹全稀。譯者輒傳斯號。佛齒木樹實

非楊柳。那爛陀寺。目自親觀。既不取信於他。聞者亦無勞致惑。檢涅槃經梵本。云嚼齒木時矣。大日經疏五曰。彼當取優曇鉢羅。或阿說他木。端直嬌好者。不麤不細。劑十二指量。凡一切量法。皆用大拇指上節側而相捻。是其正數也。此二木是過去佛菩提樹。若無者。當求有乳之木。謂桑穀等。凡西國諸俗人。先贈齒木及香水等。而祝其人之健康。以表懇請之意。故請佛菩薩亦用楊枝淨水。觀音懺法曰。我今具楊枝淨水。惟願大悲哀憐攝受。毘尼日用切要曰。取楊枝。律中名曰齒木。楊有四種。皆可梳齒也。一白楊。葉圓。二青楊。葉長。三赤楊。霜降葉赤。四黃楊。木性堅緻難長。今咸以柳條當楊枝。柳條垂下。乃小楊也。若無柳處。將何梳齒。須知一切木皆可梳齒。皆名齒木。但取性和有苦味者嚼之。不獨謂柳木一種。因梵網經心地品曰。不得樛蒲。(中畧)爪鏡。著草。楊枝。鉢盂。

「楊枝卽樟柳神。」

【楊柳觀音】(菩薩) 三十三觀音之一。以楊柳爲三昧耶形之觀音也。楊柳取其柔順。不知起因。

【楊葉】(譬喻) 若有小兒啼。則與楊樹之黃葉以止啼。譬佛之方便也。涅槃經二十曰。如彼嬰兒啼哭之時。父母卽以楊樹黃葉而語之言。莫啼莫啼。我與汝金。嬰兒見已。生真金想。便止不啼。然此楊葉定非金也。

【預流向】(術語) 四向之一。預流果

之因道也。見預流果條。

【預流果】(術語) 小乘四果之第一。舊稱須陀洹。譯曰逆流。入流。新稱率路多阿

半那。Dusta-āpana 聲聞乘之人。斷三界之見惑已。方違逆生死瀑流之位。謂之逆流果。

預流之流。聖道之流也。斷三界之見惑已。方

預參於聖者之流。謂之預流果。是爲聲聞乘最初之聖果。故稱爲初果。向此果者在斷見惑之見道十五心間。謂之逆流向。又曰預流向。即預流果之因道。預流向爲見道位。預流果爲修道位也。玄應音義二十三曰。『預流。梵言罕路多阿半那。此言預流。一切聖道說爲流。能相續流向涅槃故。初證聖果。創參勝列。故名預流。預及也。參預也。舊言須陀洹者。訛也。或言逆流。或言入流。亦云至流。皆一也。』俱舍論二十三曰。『預流者。諸無漏道總名爲流。由此爲因趣涅槃故。』

【預彌國】（界名）閻魔王之世界也。預彌爲閻魔或夜摩之訛轉。十王經曰。『閻摩王國名無佛世界。亦名預彌國。亦名閻魔羅國。』梵 Yami

【暗蔽】（術語）愚人之心。常暗於理。蔽於欲。法華經譬喻品曰。『愚痴闇蔽。三毒之火。』

【暗禪】（雜語）又作暗證禪師。暗證暗證禪。暗禪比丘。暗禪法師。盲禪等。謂不依教之暗解禪人也。以不依教法之故。暗於智解。墮於上慢。修行無志。終於獨證盲悟之徒。【暗證】（雜語）以坐禪工夫爲專。而暗於教文之義理者。

【暗證禪師】（雜語）嘲禪僧惟耽觀道。不知教相文理。爲禪宗以外之宗派者。止觀五上曰。『非暗證禪師。文字法師。所能知也。』

【暖寺】（儀式）與暖寮同。

【暖洞】（雜名）暖寮之異名。

【暖席】（雜名）與暖寮同。

【暖寮】（儀式）禪語。又曰暖寺。暖席。入寮之人。辦茶菓等饗先居之人。謂之暖寮。又言他人賀入院。

【暖簾】（物名）禪語。防風之綿布簾。謂之暖簾。勅修清規月分須知曰。『四月候

天氣。僧堂內下暖簾。上涼簾。』

【腰衣】（衣服）見裙條。

【腰白】（衣服）又曰腰帛。喪中以白帶圍腰者。象器箋十七曰。『尊宿遷化。孝服者。白帶圍腰。言腰帛。或作腰白。』

【腰線】（修法）加持線縷。帶於行者之腰者。蘇悉地經一曰。『復取白氎絲。及以麻縷。令童女染作紅色或鬱金色。合令作線。取結爲真言索。持誦七遍。而作一結。一一如是。乃至七結。置本尊前。以真言加持。經一千遍。持誦時及護摩時。欲臥之時。應以繫腰。夜臥之時。不失精穢。故應須繫。』蘇悉地供養法下曰。『其腰線者。令童女右旋搓合。經三合已。重更三合。若綢調雲作。』

【腹中女聽經】（經名）一卷。北涼曇無讖譯。與轉女身經同本。

【牒文】（術語）見次項。

【牒釋】（術語）牒文作釋也。牒爲札。

凡於註疏中斷割所釋之廣文而舉之恰如簡札謂之牒文。釋者就其牒文而施釋也。

【煩惱】

(術語)

梵語吉隸舍，Klesa

貪欲瞋恚愚痴等諸惑，煩惱心身，謂為煩惱。智度論七曰：「煩惱者，能令心煩，能作惱，故名為煩惱。」同二十七曰：「煩惱名，略說則三毒。廣說則三界九十八使，是名煩惱。」註維摩經二曰：「肇曰：七使九結，惱亂衆生，故名為煩惱。」止觀八曰：「煩惱是昏煩之法，惱亂心神，又與心作煩，令心得惱，即是見思利鈍。」大乘義章五曰：「勞亂之義，名曰煩惱。」唯識述記一本曰：「煩是擾義，惱是亂義，擾亂有情，故名煩惱。」梵語雜名曰：「煩惱，吉隸舍。」

【二煩惱】

(名數)

一、根本煩惱，貪瞋

痴慢疑惡見之六大煩惱，為一切諸煩惱生起之本，故名為根本煩惱。二、隨煩惱，忿恨覆等二十之煩惱，以前之根本煩惱為體，或為

由此流出者，故名為隨煩惱。是唯識之法相也。見唯識論六，百法問答鈔二，因一，分別起煩惱，依邪師邪教邪思惟之緣而起之，我見

邊見等理惑，謂之分別起煩惱。於見道一時斷之。二、俱生起煩惱，依無始以來之熏習力，與自身俱生之貪瞋等事惑，謂為俱生起之煩惱。入於修道，漸漸斷之。見百法問答鈔四，因(名數)一，大煩惱地法，無明、放逸、懈怠、不信、惛沈、掉舉之六惑，常與一切之染心相應，故名之為大煩惱地法。二、小煩惱地法，忿、覆、慳等之十惑，唯為俱生迷事之惑，故唯為修道斷，不通於見道斷，又唯起於意識，不通於餘識，又十惑各別而起，無俱起者，故名之為小煩惱地法。是俱舍之法相也。見俱舍論隨眠品，因一，數行煩惱，如貪欲瞋恚，不斷而起之煩惱也。二、猛利煩惱，如因果撥無之邪見，上品之煩惱也。見俱舍論十七。

【三煩惱】

(名數)

一見思，二塵沙，三

無明。台家所立，見三惑條。

【四煩惱】

(名數)

與末那識常恒相應之四種根本煩惱也。一我痴，二我見，三我

慢，四我愛。見唯識論四。

【六大煩惱】

(名數)

一貪煩惱，染着

為性，生苦為業。二瞋煩惱，憎恚為性，不安與惡行之所依為業。三痴煩惱，於諸理事迷闇為性，一切諸惑之所依為業。四慢煩惱，恃己於他高舉為性，生苦為業。五疑煩惱，於諸諦理猶豫為性，能障信心為業。六惡見煩惱，顛倒推求之惡慧為性，能障善見而生苦為業。此惡見之中有五種：一身見，固執實我也，二邊見，偏執我之斷常也，三邪見，撥無因果之理也，四見取見，固執自己之惡見也，五戒禁見，固執非理之戒禁也。因而合之則為六煩惱，開之則為十煩惱。是為諸惑中之根本，餘惑以之為體，為所依而生，故名之為本惑，亦名為根本煩惱。台家分之為利鈍之二使，前

五煩惱爲五鈍使、後五惡見爲五利使。見唯識論六、百法問答鈔一。

【十煩惱】（名數）開六煩惱中惡見之一而爲身見、邊見、邪見、取見、戒禁取見之五見。因而爲十煩惱。然則六煩惱十煩惱、實開合之不同也。

【煩惱冰】（譬喻）比菩提以水、故指煩惱爲冰。煩惱卽菩提、如冰與水也。敎行信證行卷曰、「良知如經言、煩惱冰解成菩提水。」止觀五曰、「無明痴惑本是法性、以痴迷故法性變爲無明、起諸顛倒善不善等。如寒來結水作堅冰。又如眠來變心有種種夢。」

【煩惱泥】（譬喻）煩惱能生菩提之華、故名爲泥。以與泥能生蓮相類故也。維摩經佛道品曰、「譬如高原陸地不生蓮華。卑濕淤泥乃生此華。如是見無爲法入正位者。終不復能生於佛法。煩惱泥中乃有衆生起。」

佛法耳。

【煩惱林】（譬喻）煩惱繁茂、譬諸樹木。故曰林。往生論註下曰、「示應化身。廻入生死園。煩惱林中遊戲神通。」

【煩惱河】（譬喻）煩惱能漂沒三界之人天。故譬諸河。藥師經曰、「破煩惱殼。竭煩惱河。」涅槃經德王品曰、「煩惱大河乃能漂沒三界人天。世間大河運動手足。則到彼岸。煩惱大河唯有菩薩因六波羅蜜乃能得度。」

【煩惱海】（譬喻）衆生之煩惱深廣、譬之於海。華嚴經二曰、「衆生沒在煩惱海。愚痴見濁甚可怖。」大堅固波羅門緣起經下曰、「諸煩惱海塞其源。得生寂靜梵天界。」

【煩惱病】（譬喻）煩惱之惱心、如病之於身。故名爲病。敎行信證行卷曰、「如善見藥王。能破一切煩惱病故。」

【煩惱習】（術語）煩惱之習氣也已。

斷煩惱、猶有其殘氣而不如法者、如難陀以姪欲之習故、雖得阿羅漢、然坐於男女大衆中、眼先視女衆、與之高語說法。如舍利弗以瞋習之故、聞佛言舍利弗食不淨食、卽吐食不復受請。智度論二十七曰、「煩惱習者。名煩惱殘氣。若身業口業不隨智慧。似從煩惱起。」

【煩惱障】（譬喻）煩惱自四面群起而攻擊身心、故名爲障。止觀五曰、「此金剛觀割煩惱障。此牢強足越生死野。」

【煩惱礙】（術語）二礙之一。見思之煩惱、惱亂心神、以障礙法性之涅槃者。卽二障中之煩惱障也。

【煩惱道】（術語）三道之一。道者通之義。煩惱自苦而來、煩惱能生業、故名爲道。

【煩惱賊】（術語）煩惱能損慧命、傷法身、故名爲賊。大般涅槃經下曰、「我等既去無上法王。煩惱之賊。日見侵害。」維摩經

菩薩行品曰、「以智慧劍破煩惱賊。」觀無量壽經曰、「未來世一切衆生。爲煩惱賊之所害。」同天台疏中曰、「煩惱賊者。此能損慧命傷法身。故名爲賊也。」

【煩惱網】（譬喻）煩惱能羅籠衆生。故名爲網。金光明經一曰、「以智慧刀裂煩惱網。」

【煩惱障】（術語）二障之一。對於所知障而言。百二十八之根本煩惱及隨煩惱。

惱亂有情之身心。能障涅槃。故名爲煩惱障。佛地論七曰、「惱亂身心。令不寂靜。名煩惱障。」唯識論九曰、「煩惱障者。謂執遍計所執實我。薩迦耶見而爲上首。百二十八根本煩惱。及彼等流諸隨煩惱。此皆擾惱有情身心。能障涅槃。名煩惱障。」

因三障之一。對於業障報障而言。貪瞋等之煩惱。數數起而障礙聖道。名爲煩惱障。涅槃經十一曰、「煩惱障者。貪欲瞋恚愚痴。（中略）常爲欲覺悲覺

害覺之所覆蓋。是名煩惱障。」俱舍論十七曰、「煩惱有二。一者數行。謂恒起煩惱。二者猛利。謂上品煩惱。應知此中唯數行者名煩惱障。」

【煩惱濁】（術語）五濁之一。見五濁條。

【煩惱餘】（術語）三餘之一。二乘之人。斷盡三界內見思之惑。猶有界外無明之惑。故謂之煩惱餘。

【煩惱薪】（譬喻）煩惱燒於智慧之火。故譬以薪。無量壽經下曰、「猶如火王燒滅一切煩惱薪故。」

【煩惱藏】（術語）五住地之煩惱。能含攝一切之煩惱。故名爲藏。又能藏如來之法身。故名爲藏。勝鬘經曰、「不思議空智斷一切煩惱藏。」又曰、「若於無量煩惱藏所纏如來藏不疑惑者。於出無量煩惱藏法身亦無疑惑。」同寶窟下本曰、「四住及無明。

攝一切煩惱皆在其內。故名爲藏。又此惑能藏如來法身。故名爲藏。」

【煩惱魔】（術語）四魔之一。煩惱能惱亂身心。障礙菩提。故名爲魔。

【煩惱不退】（術語）五不退之一。見不退條。

【煩惱業苦】（術語）又曰惑業苦。依貪瞋無明之煩惱而造善惡之業。依善惡之業而感三界之苦樂。又依此苦果之身而造起煩惱之業。如是三法輪轉而遊履。故謂之三輪。亦曰三道。

【煩惱雜染】（術語）三雜染之一。見思之諸煩惱。能染汚衆生之心識。而使不清淨。故云。

【煩惱即菩提】（術語）止觀一曰、「無明塵勞即是菩提。無集可斷。（中略）生死即涅槃。無滅可證。」又曰、「生死即涅槃。是名苦諦。（中略）煩惱亦即是菩提。是名集諦。

「此煩惱即菩提生死即涅槃之義、爲大乘至極之談、依教門之淺深而異其歸趣。參照即條。法華玄義九曰、「體生死即涅槃名爲定。達煩惱即菩提名爲慧。」十不二門指要鈔上曰、「若離三道即無三德。如煩惱即菩提生死即涅槃。」教觀大綱見聞曰、「密教謂愛染明王表煩惱即菩提、不動明王表生死即涅槃。顯教謂龍女表煩惱即菩提。提婆表生死即涅槃。」

【煩惱無邊誓願斷】（術語）四弘誓願之一。誓願斷盡無邊之煩惱也。

【煩談】（術語）Vandana 見和南條。

【煩籠】（雜語）煩惱之樊籠也。梁武達磨碑曰、「永注禪河滌煩籠。」

【煩位】（術語）四加行位之一。煩法之位也。見次項。

【煩法】（術語）對於見道之四加行位第一位、既經了總別之念處、而自此專觀

四諦十六行相之位也。此爲將發見道之無漏智、先生相似之解、如火之將發、先有煩相也。俱舍頌疏二十三曰、「此法如煩。立煩法名。聖道如火。能燒惑薪。聖火前相。故名爲煩。」

【煩芻】（術語）Bhīṣa 比丘、新作苾芻、又作煩芻、見苾芻條。

【煨髮】（儀式）燒得度人剃落之髮之式也。

【健】（術語）截男勢也。五種不男之一。或作劇。玄應音義十四曰、「健又作捷劇二形。同居言切。字書健害也。通俗文以刀去陰曰健。」

【健不男】（術語）五種不男之一。以刀截去男根者。四分律三十五曰、「健者。生已都截去作黃門。」行事鈔上三曰、「健作者。」（健而爲黃門者）法華文句記九上曰、「五不男者（中略）劇謂截等。」（作劇誤）

唐韻曰、「劇。居言切。音健。刳也。」健劇通用梵 Apatpandaka Bunapandaka

【健地】（物名）又作健稚。見健稚條。

【健陀】（術語）Skandha 見 Khandha

又作塞陀。健度。譯名聚篇章。見健度條。

【健陀訶】（地名）見乾陀羅條。

【健陀樓】（植物）樹名。翻梵語九曰、

「健陀樓。譯曰持地。見四分第九。」梵 Gandhāla

【健陀羅】（地名）見健駄羅條。

【健陀菴羅】（植物）樹名。翻梵語九曰、

「健陀菴羅樹。譯曰香果。見善見第十二。」

【健陀摩訶衍】（地名）Gandhamāhārā 山名。翻梵語九曰、「健陀譯曰香摩訶衍者大乘。」

【健香】（天名）即乾香和。

【健坻】（人名）祇洹精舍奴之字。譯曰續。續生之義。本爲波斯匿王兄之子。容色

美。王之夫人私呼之。欲使從己。健坻不聽。夫人大怒。譏於王。王大怒。節節解體。棄於塚間。命未絕頃。佛到其邊。光明照身。平復如故。佛爲說法。卽得第三果。言我身已破。佛續我命。我當盡此形壽。布施於佛及比丘僧。卽來祇洹。終身爲奴。見智度論八。此續生之名之因緣也。 Chaḍḍin

【健度】（術語） Skandha, 卽 Khan-

na 又作乾度。譯曰聚、蘊、積、藏、結、節。論律中篇章之名。南山戒疏一下曰：「受法戒法。各別聚處。名爲健度。」法礪四分律疏七本曰：「西音健度。此方稱聚。諸法之中。當分說故。稱爲聚。而存梵音。總爲健度。」飾宗記七本曰：「西音健度者。梵音塞健陀。或云塞健圖。此翻爲蘊。蘊卽聚也。」玄應音義四曰：「健度。此言訛也。正音娑健圖。此云聚也。」資持記上一之一曰：「梵語健度。此云法聚。卽篇品之名。」演密鈔五曰：「健度云藏。」因婆

藪槃豆法師傳曰：「八伽蘭他。 Graṇtha 卽此間云八乾度。伽蘭他。譯爲結。亦曰節。謂義類各相結屬。故云結。又攝義令不散。故云結。義類各有分限。故云節。」

【八健度】（名數） 一、雜健度。雜說四

善根。四聖果。有餘涅槃。無餘涅槃等法。故名。二、結使健度。結使者煩惱之異名也。說三結。五蓋。五上分結。五下分結等。乃至百八煩惱。故名。三、智健度。智者智慧也。說二智。三慧。四智。八智。十智等。故名。四、行健度。說身口意三業之所行。三業道。乃至十善十惡之業行。故名。五、大健度。說地水火風四大能造所造之法。故名。六、根健度。說眼等之五根。六根。乃至二十二根等。故名。七、定健度。說四禪。八定等之禪定。故名。八、見健度。說斷定之二見。乃至六十二見等。故名。見八健度論。

【二十健度】（名數） 一、受戒健度。說

受戒之法。故名。二、說戒健度。說每月說戒懺

悔之法。故名。三、安居健度。說每年自五月（舊律）六月（新律）安居之法。故名。四、自恣健度。說夏安居竟日。使比丘隨意舉他所犯之罪而懺悔之之法。故名。五、皮革健度。就比丘著皮革說其法非法。故名。六、衣健度。說比丘三衣之法。故名。七、藥健度。說四藥之法。故名。八、迦絺那衣健度。說安居竟後。一月之間。自信者受迦絺那衣之事。故名。九、拘睺彌健度。說於拘睺彌國所發僧中之爭事。故名。十、瞻波健度。記於瞻波國所起之僧中爭事。故名。十一、呵責健度。說呵責惡比丘之法。故名。十二、人健度。說比丘犯罪而不覆藏時。對其人使懺悔而洗淨之之法。故名。十三、覆藏健度。說治比丘犯罪而覆藏之者之法。故名。十四、遮健度。說比丘說戒時遮不如法之比丘不聽列之之法。故名。十五、破僧健度。說破法輪僧破羯磨僧之事。故名。十六、滅諍健度。說滅七種諍論之法。故名。十七、比丘尼健度。說

比丘尼特殊之法故名十八法。健度就比丘之坐作語默說如法之威儀故名十九。房舍健度說比丘所住房舍之法故名二十。雜健度說已上十九健度外之種種雜法故名見四分律三十一乃至五十四。

【健陟】（動物）悉達太子乘馬之名見建佗歌條。

【健陟馬】（動物）又作金泥馬與前項同。

【健黃門】（術語）五種不男之一見健不男條。

【健椎】（物名）又作健槌乾槌集韻曰「椎傳追切音追通作槌」見健椎條。

【健德】（雜名）又作塞特悉達太子之乘馬名見建佗歌條。

【健椎】（物名）Chagis 又作健槌。健地健遲健椎譯曰鐘磬打木聲鳴等可打而作聲之物之通稱。大小無別案椎健二字共

爲寫梵音者故無論用何者皆無妨而辨其相違則椎者集韻曰「傳追切音追通作槌俗作柏」椎槌通用也。椎者廣韻曰「直利切音治」然玄應謂經論中用椎或槌字者總爲椎之寫誤也。元照謂書爲椎或槌訓爲地者本也書爲椎直訓爲地者後人妄改也。玄應音義十四曰「健椎椎宜作椎。椎音直致切」同一曰「健椎椎直追反經中或作健遲案梵本臂吒健椎臂吒此云打健椎所打之木或檀或桐此無正翻以彼無鐘磬故也。但椎椎相濫所以爲誤已久也」同十六曰「健椎直致切舊經多作健遲（中略）今經律多作健椎誤也」次元照釋南山行事鈔上之一所謂「出要律儀引聲論翻健（巨寒反）椎（音地）此名磬亦名爲鐘」（案現本之行事鈔此處之椎字作椎據元照之意固作椎）於行事鈔資持記上一之四曰「若諸律論並作健槌或作健椎如字而呼乃

是梵言訛轉唯獨聲論正其音耳。今須音槌爲地又羯磨疏中直云健地未見椎字呼爲地也後世無知因此（羯磨疏健地之文字）一誤於鈔文前後以及一宗祖教凡健椎字並改爲椎直呼爲地請尋古本寫鈔及大藏經律考之方知其謬但以椎椎相濫容致妄改今須依律論並作健槌至呼召時自從聲論或作椎亦爾世有不識梵語者云是打鐘之槌及砧槌等此又不足議也」然而據南山行事鈔（前所引者）則健椎雖翻爲磬或鐘而據同師之尼鈔則謂彼無鐘磬故翻爲打木資持記上一之四曰「若準尼鈔西傳云時至應臂吒健槌臂吒此云打健槌此云所打之木或用檀桐木等彼無鐘磬故多打木集人」玄應音義之說（前所引者）亦據之然元照等疑之同資持記註曰「應法師經音義大同尼鈔然祇桓圖中多明鐘磬而云彼無者或恐少耳」名義集七曰「應法

師釋云。梵語臂吒。此云打。梵語健槌。此云所打之木。或檀或桐。此無正翻。彼無鐘磬故也。音義指歸斥云。祇如梵王鑄祇桓寺金鐘。又迦葉結集搗銅健槌。豈無鐘耶。但天竺未知有磬。五分律云。隨有瓦木銅鐵鳴者。皆名健地。釋氏要覽下曰。今詳律。但是鐘磬石板。木板。木魚。砧槌。有聲能集衆者。皆名健稚也。祖庭事苑曰。健稚。此翻聲鳴。

【健摩波摩】（異類）夜叉名。譯曰守法。見孔雀王咒經上。

【頌】（術語）梵語伽陀 Gāthā 譯言頌。頌有種種。見伽陀條。

【立頌八意】（名數）一、少字攝多義。能於少字攝多義也。二、讚嘆多以偈頌。讚嘆其德以偈頌。東西其揆一也。三、爲鈍根重說。佛爲弟子說長行。有根鈍而尙不解者。則重說偈頌也。四、爲隨喜樂故。佛見衆機有欣樂偈頌者。隨而說偈頌也。五、爲後來徒故。佛爲

弟子說長行竟。或有新來之衆。不聞前經。故爲說偈頌也。六、爲易受持故。長行之文句繁多。難於受持。故更說偈頌。使易記持也。七、增明前說故。初說長行。義有未盡。後說偈頌。更明其義也。八、長行未說故。不說長行。直說偈頌。所謂孤起頌也。見華嚴大疏。

【頌古】（術語）舉古則爲韻語。發明其意者。稱爲頌古。禪林寶訓下曰。萬庵曰。頌始自汾陽。暨雪竇宏其音。顯其旨。注注乎不可涯。碧巖第一則頌評曰。頌古只是繞路說禪。拈古大綱據款結案而已。碧巖

種電鈔一乾曰。蓋頌古者。頌出古則之奧義。令知斧頭元是鐵也。其中或有揚或有抑。雖涉言語。初無斧鑿之跡。其言也如咬鐵銕。餞其義也如望重溟而不可測其淵深也。故汾陽善昭禪師爲頌古略示其秘要。其後雪竇以博達之才。乃繼汾陽放開禪苑花錦。令學人入羣玉之府而探其所求。然有至其奧

旨。雖佛祖未容易企其步。何況初機後學者。有委悉其玄旨乎。所謂雪竇頌古者。頌古聖者。豈虛設哉。若夫久參上士。雖山河虛空水聲鳥語。喚作玄旨去在矣。

【頌疏】（書名）圓暉法師之俱舍論頌疏。略稱頌疏。

【頌疏記】（書名）通麟法師之俱舍頌疏記。畧稱頌疏記。

【頓大】（術語）指華嚴經。頓爲頓教。大爲大乘教也。如般若經雖爲大乘教。而爲對於漸入之機。說於小乘教之後者。則是漸教之大乘教也。華嚴經爲佛於成道初。對於頓入之菩薩。頓說大乘教者。則爲頓而大。故曰頓大。

【頓大三七日】（術語）天台一宗之說。謂華嚴經爲佛成道後三七日間之說法。法華經方便品曰。我始坐道場。觀樹亦經行。於三七日中。思惟如是事。此觀樹經行